



方典第一千七十一卷

汀州府部彙考一

汀州府建置沿革考

府志

本府

本秦閩中郡晉制新羅縣屬昔安郡唐開元二十四年開福撫二州山洞置汀州領縣三長汀黃連龍巖尋改臨汀郡後改黃連爲寧化乾元元年復爲汀州初治新羅大曆四年刺史陳劍遷治白石鄉卽今州治十二年析龍巖縣歸漳州以劍州之沙縣來屬五代屬王氏繼屬南唐晉開運三年析沙縣歸劍州領縣二宋太平興國三年屬威武軍雍熙二年屬福建路淳化五年升上杭武平二場並爲縣領縣四元符元年析長汀寧化置清流縣領縣五紹興二年以連城堡爲縣領縣六元至元十五年升爲汀州路明洪武元年改爲汀州府屬福建布政司置汀州衛所成化六年以清流明溪巡檢司置歸化領縣七十四年析上杭置永定領縣八

皇清因之附郭曰長汀外七縣曰寧化上杭武平清流連城歸化永定

長汀縣

附郭

本晉新羅地初屬晉安郡唐開元於新羅故城東置長汀縣爲汀州治所大曆中移白石鄉宋徙於衣錦鄉元明仍舊

皇清因之

寧化縣

本建州沙縣地初爲黃連鎮唐開元中從居民羅令紀請升黃連縣置州後因屬焉天寶初改寧化宋元明仍舊

皇清因之

上杭縣

本晉新羅地唐爲龍巖地置太平場宋淳化中置上杭縣析長汀南境隸焉初治語口市乾道中縣令鄭穆徙治來蘇里元明仍舊

皇清因之

武平縣

本晉新羅地唐爲龍巖地置州後以本州西南地爲南安武平二鎮隸長汀五代時王氏併南安爲武平場宋淳化五年升爲縣析長汀西南境益焉元明仍舊

皇清因之

清流縣

本唐長汀寧化二縣地舊有清流驛宋元符間提刑王祖道奏置縣紹定中廢元復明仍舊

皇清因之

連城縣

本長汀地初置連城堡宋紹興中攝汀尉虞觀奏置連城縣郡守鄭強復析長汀古田鄉六團里益之元改連爲連明仍舊

皇清因之

歸化縣

本清流明溪鎮地明成化六年府同知程熙以地當諸縣之交民梗難治請於巡撫滕昭奏析將樂沙縣寧化清流四縣地升爲歸化縣

皇清因之

永定縣

本上杭溪南等地距縣遠甚成化十四年土賊鍾三等爲亂事平巡撫高明奏析上杭勝運溪南金豐豐田太平五里一十九圖置縣

皇清因之

汀州府疆域圖

延平府界

漳州府界

建昌府界

邵武府界

潮州府界

贛州府界



古今圖書集成

方輿彙編職方典第一千七十一卷汀州府部彙考一汀州府疆

汀州府疆域考

府志

本府

東至延平府七百里

西至江西贛州府四百一十里

南至廣東潮州府六百六十五

里

北至江西建昌府五百四十里

西北至清流縣二百一十里至歸化縣三百五十

里

東南至連城縣一百七十里

西南至武平縣二百四十里

東北至寧化縣二

百四十里至福建布政司一千六十里北至

京師五千五百九十里

東西廣七百餘里南北袤三百餘里

長汀縣

附郭

東至寧化縣一百七十里以杉木墩八十里爲界

西至江西瑞金縣八十里以新路嶺六

十里爲界

南至上杭縣一百八十里以雙溪嶺一百五十里爲界

北至瑞金縣八十

里以黃竹嶺六十里爲界

東南至連城縣一百六十里以野狐嶺一百六十里爲界

西南至武平縣二百五十五里以黃公嶺一百五里爲界

東北至寧化縣一百五十里以

黃土嶺八十里爲界

西北至瑞金縣八十里以石腦嶺六十里爲界東西廣一百四十里

南北袤二百一十里

寧化縣

東至清流縣四十五里以百步嶺二十五里爲界

西至江西石城縣一百五十五里以張

坑七十五里爲界

南至長汀縣一百七十里以松木堆九十里爲界

北至邵武建寧

縣一百八十里以孟家坪百一十里爲界

東南至清流縣一百二十里以大船嶺六十里

爲界

西南至長汀縣一百五十里以黃土嶺七十里爲界

東北至邵武泰寧縣二百

九十里以龍坑一百二十里爲界

西北至江西南豐縣三百五十里以車橋嶺一百二十

里爲界

東西廣一百里南北袤二百里

上杭縣

東至漳州龍巖縣一百五十里以大池一百里爲界

西至武平縣八十五里以石田二十

五里爲界

南至廣東海陽縣四百五十五里以標錢山二百里爲界

北至長汀縣一

百八十里以楊州勘三十里爲界 東南至龍巖縣二百四十里以緣嶺一百九十里爲界
西南至廣東程鄉縣三百一十里以松源一百六十里爲界 東北至長汀縣一百六十里
以谷奢嶺八十里爲界 西北至武平縣一百九十里以檀嶺八十里爲界 東西廣一
百二十五里南北袤一百一十五里

武平縣

東至上杭縣八十五里以竹鑒保黃埔五十里爲界 西至江西安遠縣二百四十里以大
中山一百四十五里爲界 南至廣東程鄉縣二百二十五里以南巖九十里爲界 北
至長汀縣二百六十里以黃公嶺一百五十里爲界 東南至廣東海陽縣四百里以廬嶺
一百五十里爲界 西南至程鄉縣二百二十五里以于口一百里爲界 西北至會昌
縣一百八十里以南漢口花嶺爲界 東西廣一百九十里北袤二百四十里

清流縣

東至延平永安縣三百一十里以龍安一百一十里爲界 西至寧化縣一百五里以空頭

嶺十里爲界 南至寧化縣一百十里以百步嶺一十五里爲界 北至寧化縣六十里

以草鞋嶺三十里爲界 東南至連城縣一百三十五里以上琴坪一百里爲界 西南

至寧化縣四十里以搶旗隔一十里爲界 東北至歸化縣九十里以五通四六十五里爲

界 東西廣一百三十五里南北袤一百五十里

連城縣

東至延平永安縣二百二十里以溪流口一百里爲界 西至長汀縣一百四十里以巖頭

野狐狸嶺十里爲界 南至上杭縣二百四十里以崆嶺一百里爲界 北至長汀縣一

百九十里以焦坑渡六十里爲界 東南至永安縣三百五里以浮流口一百五里爲界

西南至長汀縣一百七十里以河源板嶺七十里爲界 東北至清流縣一百三十五里以

上琴坪三十五里爲界 西北至長汀縣一百七十里以四保六十里爲界 東西廣一

百十五里南北袤一百三十里

歸化縣

東至延平將樂縣一百二十里以鐵嶺鋪三十里爲界

西至清流縣九十里以五通四二

十五里爲界

南至延平永安縣二百九十里以淳化寺九十里爲界

北至寧化縣一

百二十二里以下覺七十里爲界

東南至延平沙縣三百八十里以永隆寺一百二十里

爲界

西南至清流縣九十里以靈龜巖四十里爲界

東北至將樂縣一百二十里以

東嶽廟三十里爲界

西北至寧化縣一百三十里以山溪寨七十里爲界

東西廣五

十五里南北袤一百六十里

永定縣

東至漳州南靖縣四百一十里以隘頭二百里爲界

西至上杭縣一百五十里以三壩七

十里爲界

南至廣東饒平縣二百一十里以牛市亭一百里爲界

北至上杭縣一百

六十里以曹田凹八十里爲界

東南至南靖縣二百二十里以盧溪一百二十里爲界

西南至上杭縣一百二十里以官田六十里爲界

東北至龍巖縣二百二十里以水糟隘

一百二十里爲界

西北至上杭縣一百三十里以鹹水湖八十里爲界

東西廣二百

七十里南北袤一百八十里

形勝附

本府 長汀縣附郭

汀郡崇岡複嶺居山谷斗絕之地水之所歸南走潮海西下豫章東北注於劍浦西北奔於彭蠡實控東南上游是以山重複而險阻水迅急而淺澀山川大勢固已奇絕若乃府治則四山環拱天塹金城中間地勢坦夷方數十里就平地中突起臥龍一山高可數十丈廣可五七里北面峭壁矗起其南派爲九支形爲九龍蜿蜒蟠窟狀如臥龍府城半壁高掛山北之巔公署數區平列山南之麓鄞江帶繞於東畔西溪環抱於右方二水合流繞出丁位而寶珠一峯南塞水口此郡城之勝也有鄞江舊八景

寧化縣

爲郡接境山峻水急翠華鳳凰諸山峙其北芙蓉筆架諸峯出其東南有城門嶂卓立如屏西有斗頭山突岬若展至縣治則四圍平坦形如大釜傍挹巒嶂下瞰溪湖

上杭縣

橫琴案前紫金屏後髻峯左峙旗幟右蟠袍寨屹於西南巋嶠峙於東北

武平縣

土壤坦夷龍脉盤伏左梁山右雙薦黃龍峙其北筆架列其南靈洞諸峯獻秀吐奇化龍諸溪合流環遶

清流縣

在郡東北爲江廣襟喉屏山枕其後南極朝其前東華峙其左西峯聳其右一水清泚可以鑑人來自西南入於鳳翔出於龍津縈抱縣治如帶如環三折之流復繞西南而去

建城縣

居稠山中崇岡複嶺東控蓮峰西擁旗石南案獨秀之銀屏中抱九折之文溪他若金鷄諸岫插漢衝霄天馬羣峯如笏如杖

歸化縣

爲汀孔道閩廣通衢樓臺鼓角聳於後三台飛鳳拱於前東有獅巖象山西有仁壽列嶂二水合流環拱邑前旋遶巖宛如元字

永定縣

臥龍山峙於後掛山列於前東有龍門拱揖西有印匣鎮重二水交流一湖澄徹

汀州府星野考

府志

府總

周官保章氏以星土辨九州之地所封域皆有分星以觀妖祥汀州其域爲揚州其次爲星紀其宿爲牛女其辰爲丑按周禮鄭注云星紀吳越也皇甫謐云星紀之次於律黃鍾吳越分野爾雅云星紀斗牽牛也郭璞注云斗牽牛者日月五星之所始終故謂之星紀以上釋星紀爲越之分星春秋元命包云牽牛流爲揚州分爲越國史記天官書前漢天文志皆云牽牛婺女揚州正義曰婺女卽須女天少府也又曰牽牛須女皆爲星紀越之分野漢地理志云粵地牽牛婺女分野劉向曰吳越屬斗牛女分郡國志晉隋元志皆云吳越其辰在丑也釋牛女爲

古今圖書集成

域考之五 星野考之一

揚州之宿至其分度又往往不同黃帝起斗十一度至女七度爲星紀費直起斗十度至女五度爲星紀蔡邕月令章句起斗六度至須女二度爲星紀皇甫謐起斗一度至女七度爲星紀唐志初斗九度餘千四十二秒十二大中斗二十四度一千四百八半終女四度爲星紀元志起斗四度三十六分六十六秒外入星紀之次又魏太史令陳卓云吳越州郡九江入斗十一度廬江入斗六度豫章入斗十度丹陽入斗十六度會稽入牛一度臨淮入女四度廣陵入牛八度泗水入女一度六安入女六度閩故爲會稽屬其直牛一度無疑釋分度唐一行以天下山河之象存乎兩戒北戒自三危至朝鮮是謂北紀胡門以限戎狄南戒自岷嶓至東甄閩中是謂南紀越門以限蠻夷自南河下流涉江淮爲吳越自江源循嶺徼南東及南海爲蠻越星紀當雲漢下流百川歸焉故其分野自南河下窮南紀之曲東南負海爲星紀南斗當淮海間爲吳分牽牛去南河寔遠自豫章迄會稽南踰嶺徼爲越分蘇軾祖其說作山河兩戒圖我朝清類分野書實宗之釋兩戒然則歷代論撰宿度雖少差移爲次舍大略相因矣而三垣五緯占驗亦各有分屬宋志云中宮北斗七星第四曰權蒙山以東至南江會稽震澤徐揚州屬焉

星經云斗杓第六星曰開陽主揚州又魁下六星兩兩相比者曰三台上台下星主荆揚宋志又云天市垣二十二星東西列各十一星其東垣南第六星曰吳越石申云南斗魁二星天梁也第一注吳第二會稽天官書云吳楚之疆候在熒惑占於鳥衡星經云熒惑主揚州唐志云星紀負海其神主於衡山熒惑位焉宋志云五星赤帝熒怒之神爲熒惑位南方主楚吳越以南諸家論或取之斗柄或闕之天市或徵之緯候言人人殊然於天文爲別占云

汀州府山川考一

府志

本府 長汀縣附郭

臥龍山在府治後環城四面皆平田就中突起一山不與羣阜相屬如龍盤屈而臥故名又名九龍山亦名無境山按舊誌術者白鶴仙云山脈分於贛之寧都虎頭山歷石城過瑞金界由長龍溫地翠峰獅巖直渡橫溪而來 東山在城內縣學左爲臥龍山之首又名龍首山宋

時有鄧江臺五顯廟久廢明萬曆間前後爲雷文學書屋兩座舉出山頂豎亭爲狀元峯前屋祀文丞相李少師後屋爲書院年久亭院荒廢崇禎丁丑汀守唐世涵捐俸鼎建 南山在

縣南三里爲郡治前朝山屹然如屏青葱可愛宋時文殊院同慶寺左翼軍駐劄寨在其下故
下名南寨後同慶寺遷衣錦鄉寨院俱廢按舊誌白鶴仙云山脈自石舍分枝由湘洪峽過雞
籠嶂歷高坑起鸚鵡石又里許秀峙爲南山今下爲元帝宮 拜相山一名笏山與南山相

聯俯挹臥龍山宛如人拜

圓珠山在縣南三里俗呼寶珠峯舊有寺久廢崇禎丁丑邑人

鼎建元壇廟於山隈

馬鞍山在縣東五里

展旗山在縣西七里

蓮花山在縣東

十里

筆山在縣東十五里

玉女山在縣西古貴十五里舊傳王氏女修真所下有通

仙橋

賴溪障山在縣西三十里

翠峯山在縣東四十里壁立千仞紺碧可愛

鷄

籠山在縣西五十里高十五里九域誌載爲古蹟本郡王中正成道之所閩中曹學佺名勝誌
作宋邑人王捷字平叔修道於此 赤坑障山在縣南五十里 靈蛇山在縣南百八十

里山舊多蛇下有佛廬及蛇山廟九域誌載爲勝跡

七寶山在縣東南二百里傳出七寶

下有七寶場今廢

鷲峯在府南山半有院見天下輿圖誌院址久廢父老傳云今元帝宮

是靈邑誌載院在新村十里當是同名

雙峯在縣東南三十里峯巒聳高入雲漢